

**ILULISSANI NAJUKKAMI ATAATSIMIITITALIAP
ILEQUUSUMIK ATAATSIMIINNERA
SISAMANGORNEQ ULLOQ 15. SEPTEMBER 2022 NAL. 14:00**

Peqataasut: Jens Peter Kleist Rosbach, Siulittaasoq
Jonas Fleischer, Siulittaasup tullia
Paarnanguaq Mathiassen, ilaasortaq
Brian Grønvold, ilaasortaq
Aqqalu Jerimiassen kommunalbestyrelsimit toqqangaq

Pisortaq: Gerhard Jakobsen, allattoqarfimmi pisortaagallartoq

Imaqarniliortoq: Allaffimmi pisortaagallartoq

Immikkut peqataasut: Anthon Frederiksen, Teknikkeqarfimmi ataqatigiissarisooq
Aviaq Sikensen Henson, Immikkoortumi aqutsisoq, Peqqik Sunngiffik

Nutserisut:

Ingerlannera: Ammasooq

ILUNA	SAMMISAT	BILAG
ORI	Ilisimatitsissutit.	~
22-025	Ilulissani Najukkami Ataatsimiititaliamut aningaasaliissutit killiffiat	001
22-026	Angakkuartartup aliikkusersuinissaanut aningaasaaliissutinik qinnuteqaat.	002
22-027	Nipilersortartoqatigiinnik tikisitsinissamut tusarnaartitsinissaannullu aningaasaliisoqarnissaanik qinnuteqaat.	003
22-028	Imminortarneq pillugu filmip Ilulissani takutinneqarnissaanut aningasaliisoqarnissaanik qinnuteqaat.	004
22-029	Innuttaasunik ataatsimiititsinissap ullulerneqarnissaa.	005
22-030	Marius Sivertsen-ip Elisabeth Thomsenillu aqquataasa akornani tummeqat ikaartarfillu	006
22-031	Arsaafimmi isiginnaartarfiit toqqavilersornissaanik sanasup saaffiginissutaa.	007
22-032	Niels Dorph-p Aqqusernata Sisorarfiullu akornani tummeqqiornissamut ikaartarfiliornissamullu neqoroort.	008
22-033	Meeqqat ineriartornerminni eqqarsaasertanerat pillugu saqqummiussaqaarnissamut aningaasaliisoqarnissaanik qinnuteqaat.	009

Aaliangiineq:

Oqaluuserisassat sammisanik marlunnik ilallugit amerlanerussuteqatut akuersipput.

Ilisimatitsissutit:**Qimmeqarnermut ileqqoreqqusaq**

Kingullermik ataatsimiinnermi qimmeqarneq pillugu Avannaata Kommuniata ileqqoreqqusaqarnissa oqaluuserisassanngorlugu siunnersuutigineqarpoq. Najukkami Ataatsimiititaliap susassaqarfiisa avataaniimmat oqaluuserinissaa ataatsimiititaliamit itingartinneqarluni ataatsimiititaliap ataavartoq susassaqartuusooq aperineqassasoq innersuutigineqarpoq.

Teknikkimut Ataatsimiititaliap qimmeqarneq susassaqarfiisa ilangimmassuk, ingerlatsivik aperineqarami ileqqoreqqusassaq suliaralugu naammassilerlugu ilisimatitsivoq.

Tummeqqat ikaartarfillu

Niels Dorph-ip Aqqusernata Sisorarfiullu akornanni tummeqqiornissap ikaartarfiliornissallu iluatsillugulu eqqaaviit arsakoofittallit ikkussunneqarnissasa suliarinnittussarsiuunnera teknikkeqarfik ikiortigalugu ingerlanneqarpoq. Sanasut katillugit sisamat neqorooruteqaqqullugit saaffigineqarput, tamakkerlutillu sulit neqoroorummik tunniussisimangillat.

Ikaartarfimmi allagartassaq

Ikaartarfimmi allagartassap qullitallip ikkussunnissaa pioreersullu piarnissaa suliarinnittussarsiorlugu illoqarfimmi maani kallerup innilerisartut marluk neqorooruteqaqqullugit saaffigineqarput aappaa ingerlaammaq taamaattunik suliarinnissinnaanermut akuerisaannginnami neqorooruteqarsinnaani ilisimatitsivoq. Appaa sapaatip akunnerani 37-imi uterfigissalluta ilisimatitsivoq.

Aalajangiineq:

Tusaatissatut tiguneqarpoq.

Sag nr.	Sammissaq	Bilag nr.	001
ILUNA 22-025	Ilulissani Najukkami Ataatsimiititaliamut aningaasaliissutit killiffiat	Journal nr.	

Uteqqiineq:

Ilulissani Najukkami Ataatsimiititaliamut aningaasaliisutininik atuinerup killiffia saqqummiunneqarpoq.

Suliap saqqummiunnera:

Ilulissani Najukkami Ataatsimiititaliamut kommunalbestyrelsip ukiumut 2022-imut aningaasaliissutaanik atuinerup killiffia ulloq 9. september 2022 ilanngullugu ataani takuneqarsinnasutut naatsorsorneqarpoq.

Najukkami Ataatsimiititaliaq

Najukkami Ataatsimiititaliaq	MISS. 2022	TAP 2022	ILU 2022	ATUINEQ	SINNERUTTUT	ATUINEQ %
Tusarniaanernut	800.000		800.000	0	800.000	0,0%
Kultureqarnermut	160.000		160.000	0	160.000	0,0%
Timersornermut	850.000		850.000	555.020	294.980	65,3%
Inuiaqatigiinnut	628.000		628.000	725.910	-97.910	115,6%
Najukkami Ataatsimiititaliaq	2.438.000	0	2.438.000	1.280.930	1.157.070	52,5%

Atuineq procentinngorlugu ukiup qaammataasa agguaqasigiinnerinut naleqqiullugu minneruvoq, ullumikkut 80 procentip missaani inissisimasusaagualarluni.

Aningaasaqarnermi kingunerisinnaasat:

Atuinerup taamatut inissisimanerata ukiup sinnarnut aningaasaliiffigissinnaasat suli amerlanerannik kinguneqarpoq.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaat nr. 26, 28. november 2016-imeersoq

Suliamik isumaginnineq:

Ilulissani Najukkami Ataatsimiititaliaq

Inassuteqaat:

Ilulissani Najukkami Ataatsimiititaliamut inassuteqaat.

Allattoqarfiup Ilulissani Najukkami Ataatsimiititaliamut inassutigivaa aningaasaliissutinik atuinerup killiffianik saqqummiusineq tusaatissatut ataatsimiititaliap tigussangaa.

Ilanngussat:

Soqanngilaq

Aalajangiineq:

Aningaasaqarnermut killiffik tusaatissatut tiguneqarpoq.

Sag nr.	Sammasaq	Bilag nr.	002
ILUNA 22-026	Angakkuartartup aliikkusersuinissaanut aningaasaaliissutinik qinnuteqaat.	Journal nr.	

Uteqqiineq:

Ilulissani Peqqik Sunngiffik angakkuartartumik tikisitsinissamut aliikkusersuititsinissamullu atugassanik Najukkami Ataatsimiititaliaq aningaasaliinissaanik qinnuteqarfigivaa. Suliami uvani Najukkami Ataatsimiititaliaq qinnuteqaat oqaluuseralugu aaliangiiffigissuaa.

Suliap saqqummiunnera:

Ilulissani Peqqik Sunngiffimmi pitsaaliuinermi siunnersortit angakkuartartup aliikkusersuinissaanut Najukkami Ataatsimiititaliaq aningaasaliinissaanik qinnuteqarfigivaa. Angakkuartartoq Qallunaat Nunaanni najugaqartoq piffissami oktoberip ulluisa 10-aniit 15-ata tungaanut Ilulissaniittussaasoq Peqqinneq Sunngiffiup aningaasaliisoqarnissaanik qinnuteqarluni saaffiginnissutaani takuneqarsinnaavoq. Maani ineqarneranut maanngaaniit Qallunaat Nunaannut angerlerneranut maanilu aliikkusersuinissaanut akissaajaatissat aningaasaliiffiqarnissaat qinnuteqaatigineqarput. Ineqarnermut angalanermullu akissaajaataajumaartut annertussusilereernagit qinnuteqaatigineqarmata allatoqarfik missiliuusiliorpoq. Aliikkusersuinerit amerlassussat apequtaatillugu akigititat ikiliartuarpup.

Iluarsinissamut siunnersuut – sammisanut tunngatillugu nalilersuineq

Najukkami Ataatsimiititaliaq aqqissuussanut taamatut ittunut aningaasaliissappat piunasaqaataavoq illoqarfimmi innuttaasut tamarmik akiliinatik peqataasinnaarnerannik periafissinneqassasut. Tamaammat aningaasaliisoqassappat inip aliikkusersuiffissap attartorneqarnissaanut Peqqik Sunngiffimmit akilernerqarnissaa aningaasaliinissaaq akuerineqassappat piunasaqaatigineqartariaqarpoq.

Ingerlariaqqinnissaq

Aningaasaliisoqarnissaanik qinnuteqaat akuerineqassappat, aaliikkusersuisussap ineqarnissaa angalanissaa, inillu aaliikkusersuiffiusussap attartornissaa qinnuteqartunut sularisassanngorlugit akuersissut tunniunneqassooq.

Kingunerisinnaasat:

Aningaasaliisoqarnissaanik qinnuteqaat akuerineqassappat, Ilulissani innuttaasut alutornarsinnaasumik aliikkusersorneqarnissaat periafissinneqassooq.

Aningaasaqarnermi kingunerisinnaasat:

Aningaasaliissutissatut missiliunneqartut aningaasartuutisat missingersornerisa iluaniippup.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Avannaata Kommuniani Najukkami Ataatsimiititaliat Suleriusissat ulloq 27. september 2021-imeersoq

Suliamik isumaginnineq:

Ilulissani Najukkami Ataatsiititaliaq

Inassuteqaat:

Ilulissani Najukkami Ataatsimiititaliamut inassuteqaat.

Najukkami Ataatsimiititaliap Peqqik Sunngiffimmiit aningaasaliisoqarnissaanik qinnuteqaat piunasaqaatitaqartumik akuerissangaa.

Ilanngussat:

Bilag 002-01: Peqqik Sunngiffimmit qinnuteqaat.

Bilag 002-02: Allattoqarfiup aningaasartuutissanut missiliutaa.

Aalajangiineq:

Inaasuteqaat amerlunerussuteqartut akuerivaat.

Sag nr.	Sammissaq	Bilag nr.	003
ILUNA 22-027	Nipilersortartoqatigiinnik tikisitsinissamut tusarnaartitsinissaannullu aningaasaliisoqarnissaanik qinnuteqaat.	Journal nr.	

Uteqqiineq:

Ilulissani Peqqik Sunngiffik nipilersortartoqatigiinnik tikisitsinissamut tusarnaartitsinissamullu atugassanik Najukkami Ataatsimiititaliaq aningaasaliinissaanik qinnuteqarfigivaa. Suliame uvani Najukkami Ataatsimiititaliap qinnuteqaat oqaluuseralugu aaliangiiffigissuaa.

Suliap saqqummiunnera:

Ilulissani Peqqik Sunngiffimmi pitsaaliuinermi siunnersortit nipilersortartoqatigiit tikisinneqarnissaannut tusarnaartitsinissaannullu atugassanik Najukkami Ataatsimiititaliaq aningaasaliinissaanik qinnuteqarfigivaa. Tusarnaartitsinissaq arfininngorneq ulloq 24. september 2022 pissasoq Peqqinneq Sunngiffiup aningaasaliisoqarnissaanik qinnuteqarluni allakkamini ilisimatitsivoq. Nipilersortartoqatigiit maanga maanngaaniillu angalanerannut maani ineqarnerannut maanilu tusarnaartitsinerminni akissarsiassaannut akissaajaatissat aningaasaliiffigineqarnissaat qinnuteqaatigineqarput.

Iluarsinissamut siunnersuut – sammisanut tunngatillugu nalilersuineq

Najukkami Ataatsimiititaliaq aqqissuussanut taamatut ittunut aningaasaliissappat piumasaqaataavoq illoqarfimmi innuttaasut tamarmik akiliinatik peqataasinnaarnerannik periafissinneqassasut. Tamaammat aningaasaliisoqassappat inip tusarnaartitsiviusussap attartorneqarnissaanut Peqqik Sunngiffimmit akilerneqarnissaa tusarnaartitsinerullu ingerlanerani imigassanik aalakoornartunik tuniniaasoqannginnissaa aningaasaliinissaaq akuerineqassappat piumasaqaatigineqartariaqarput.

Ingerlariaqqinnissaq

Aningaasaliisoqarnissaanik qinnuteqaat akuerineqassappat, aaliikkusersuisussap ineqarnissaa angalanissaa, inillu aaliikkusersuiffiusussap attartornissaa qinnuteqartunut sularisassanngorlugit akuersissut tunniunneqassooq.

Kingunerisinnaasat:

Aningaasaliisoqarnissaanik qinnuteqaat akuerineqassappat, Ilulissani innuttaasut nipilersukkanik tusarnertumik tusarnaartinneqarnissaat periafissinneqassooq.

Aningaasaqarnermi kingunerisinnaasat:

Aningaasaliissutissat missiliunneqartut aningaasartuutisat missingersornerisa iluaniipput.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Avannaata Kommuniani Najukkami Ataatsimiititaliat Suleriusissat ulloq 27. september 2021-imeersoq

Suliamik isumaginnineq:

Ilulissani Najukkami Ataatsiititaliaq

Inassuteqaat:

Ilulissani Najukkami Ataatsimiititaliamut inassuteqaat.

Ilulissani Najukkami Ataatsimiititaliap Peqqik Sunngiffimmiit aningaasaliisoqarnissaanik qinnuteqaat piunasaqaatitaqartumik akuerissangaa.

Ilannussat:

Bilag 003-01: Peqqik Sunngiffimmit qinnuteqaat.

Aalajangiineq:

Inassuteqaat akuerineqarpoq.

Sag nr.	Sammissaq	Bilag nr.	004
ILUNA 22-028	Imminortarnek pillugu filmip Ilulissani takutinneqarnissaanut aningasaliisoqarnissaanik qinnuteqaat	Journal nr.	

Uteqqiineq:

Tasiilami pissutsit pillugit filmiorsimasut filmip Ilulissani takutinneqarnissaanut Najukkami Ataatsimiititaliaq aningaasaliinissaanik qinnuteqaateqarput. Suliame uvani Najukkami Ataatsimiititaliaq qinnuteqaat oqaluuseralugu aaliangiiffigissuaa.

Suliap saqqummiunnera:

Tasiilami pissutsit ilaatigullu imminortarnek pillugu filmiorsimasut filmip Ilulissani takutinneqarnissaanut Najukkami Ataatsimiititaliaq isumaqatigiissuteqarfigalugu aningaasaliinissaanik qinnuteqarfigivaa. Inuit marluk angalanissaannut, maani najugaqarnissaannut, nerisaqarnissaannut, maani inuusuttup oqaloqatigisassap akissarsitinneqarnissaanut akissaajaatissat matussutissaanik aningaasaliisoqarnissaa qinnutigineqarpoq. Filmimik ilaatigut SPS-imi Majoriamilu takutsitsinissaq inuusuttumillu oqaloqateqarnissaq neqoroorutigineqarpoq, filmip 80 minuttinik sivisussuseqartup ulloq 22. januar 2023 marloriarluni takutinneqarnissaa pilersaarutaavoq.

Iluarsiiinissamut siunnersuut – sammisanut tunngatillugu nalilersuineq

Filmip innuttaasunit amerlasuunit takorusunneqarsinnaanissa ilimanaateqarmat pinaveersaartitsinermullu attumassuteqarpat, filmip takutinneqarnissaanut Najukkami Ataatsimiititaliaq aningaasaliinissaa aporfissaqarsorinangilaq.

Qinnuteqaatip oqaasertalersornerata filmip illoqarfanni allani aamma takutinneqarnissaanut illoqarfanni taaneqartuni najukkami ataatsimiititaliaq aningaasaliinissaanik qinnuteqarfigineqarsimasut ilimanarsitippaa. Aningaasaliiffigineqartussat qinnuteqaatigineqartut ilai illoqarfimmut maanga attumassuteqanngitsut aningaasaliiffiginissai pissusissamisuunngilaq. Ilulissani Najukkami Ataatsimiititaliaq aningaasaliiffiginnaasaanik allattoqarfik inassuteqaasiorpoq 22-028 ilanngussami 004-04-imi takuneqarsinnaasumik.

Ingerlariaqqinnissaq

Qinnuteqartoq attaveqarfigalugu ilumut illoqarfanni allani najukkami ataatsimiititaliaq aningaasaliinissaanik qinnuteqarsimanersoq apeqquteqarfigineqassooq. Aningaasaliisutissat akuerineqassappat ukiumut 2023-imut aningaasartuutissat missingersuusiornerini ukioq taanna aningaasartuutissanut ilanngunneqassapput.

Aningaasaqarnermi kingunerisinnaasat:

Aningaasaqarnermi ukioq manna kinguneqartitsissanngilaq, ukiumi tulluuttumi aningaasartutaasussaammata.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Avannaata Kommuniani Najukkami Ataatsimiititaliaq Suleriusissat ulloq 27. september 2021-imeersoq

Suliamik isumaginnineq:

Ilulissani Najukkami Ataatsimiititaliaq

Inassuteqaat:

Ilulissani Najukkami Ataatsimiititaliamut inassuteqaat.

Ilulissani Najukkami Ataatsimiititaliap aningaasaliiffigineqartussatut inassuteqaat ukiullu tulliani aningaasartuutissanut ilanngunneqarnissaat akuerissangaa.

Ilanngussat:

Bilag 004-01: Filmimik takutitsinissamut aningaasaliisoqarnissannik qinnuteqaat.

Bilag 004-02: Filmip takutissap allaaserineqarnera.

Bilag 004-03: Filmip takutinneqarnissaanut isumaqatigiissutissatut siunnersuut.

Bilag 004-04: Aningaasaliiffigisassanut inassuteqaat.

Aalajangiineq:

Amerlanerussuteqartut inassuteqaat akuerinngilaat.

Sag nr.	Sammissaq	Bilag nr.	005
ILUNA 22-029	Innuttaasunik ataatsimiititsinissap ullulerneqarnissaa.	Journal nr.	

Uteqqiineq:

Ilulissani innuttaasunik ataatsimiititsinissaq ullulerneqarnissaa Najukkami Ataatsimiititaliap siulittaasuanit kissaatigineqarpoq.

Suliami uvani Najukkami Ataatsimiititaliap inuttaasunik ataatsimiititsinissap ullulernissaa oqaluuseralugu aaliangiiffigissuaa.

Suliap saqqummiunnera:

Innuttaasunik ataatsimiititsinissap ullulerneqarnissaa Najukkami Ataatsimiititaliap oqaluuserissangaa, Ilulissanilu Peqqik Sunngiffimmi aqutsisoq peqatigalugu aaliangiiffigissangaa kissaatigineqarpoq. Ataatsimiinissap sumik imaqartinneqarnissaa Peqqik Sunngiffik Ilulissanilu peqatigiiffiit kiisalu nammineq kajumissutsinik suliaqartut naapillugit oqaloqatigiinerisigut pissasoq kissaatigineqarluni. Taamatut naapitsinermi ukioq 2023-imut pilersaarusoqatigiinnissaq sammissassat assigiinngit ukiumut ullulersornerisa.

Ingerlariaqqinnissaq

Innuttaasunik ataatsimiititsinissaq ullulerneqariarpat, Peqqik Sunngiffik peqatigalu Ilulissani peqatigiiffiit namminerlu kajumissutsiminnik suliaqartut napeqatiginissaat pilersaaruserlugu aallatissooq.

Aningaasaqarnermi kingunerisinnaasat:

Ataatsimiisitsinermi aningaasartutaasinnaasut missingersuutit iluaniipput.

Inatsisitigut tunngavigisat aamma toqqammavissiisutut allagaatit:

- Kommunit aquneqarnerat pillugu Inatsisartut inatsisaat nr. 29, 17. november 2017-imeersoq
- Avannaata Kommuniani Najukkami Ataatsimiititaliat Suleriusissat ulloq 27. september 2021-imeersoq

Suliamik isumaginnineq:

Ilulissani Najukkami Ataatsimiititaliaq

Inassuteqaat:

Ilulissani Najukkami Ataatsimiititaliamut inassuteqaat.

Ilulissani Najukkami Ataatsimiititaliap innuttaasunik ataatsimiititsinissap qaqugu pinissaa ullulissangaa.

Ilanngussat:

Soqanngilaq

Aalajangiineq:

Innuttaasunik ataatsimiisitsinissaq 26. oktober 2022 Sermermiuni pissasoq aaliangerneqarpoq.

Sag nr.	Sammissaq	Bilag nr.	006
ILUNA 22-030	Marius Sivertsen-ip Elisabeth Thomsenillu aqutaasa akornani tummeqat ikaartarfillu	Journal nr.	

Uteqqiineq:

Marius Sivertsen-ip Elisabeth Thomsenillu aqutaasa akornani tummeqqiornissaq ikaartarfiliornissarlu ukioq kingulleq aaliangerneqarsimavoq. Suliami uvani Najukkami Ataatsimiititaliap sanaartornissaq aallartinneqassanersoq oqaluuseralugu aaliangiiffigissuaa.

Suliap saqqummiunnera:

Ukioq kingulleq Marius Sivertsen-ip Elisabeth Thomsenillu aqutaasa akornani tummeqanik ikaartarfimmillu sanaartortitsinissaq pillugu teknikkeqarfik ikaartarfiliorfissap qanittuani najuqartunik tusarniaaneq ingerlassimavaa. Tusarniaafigineqartut sanaartornissaq akerliliiffiginngilaat. Tusarniaanerlu naammassimmat sularinnerusuttunik neqoroortitsisimavoq, sanaartugassamut atugassat kommunip pigereermagit sulinermi akissarsiasat neqoroornermi pineqarput. Sanaartornissaq ajoraluartumik piviusunngunngitsoorsimavoq nunaminertap sanaartorfiginissaanut akuersissummik pissarsisoqarsimangimmat. Nunaminertap pineqartup sanaartorfiginissaanut akuersissummik qinnuteqaat kommunimi nunaminertalerisunut akuersissannorlugu maanna ingerlatinneqarpoq.

Ingerlariaqqinnissaq

Nunaminertap siunertamut qulaani taaneqartumut atorneqarnissaanut akuersissut pissarsiarineqariarpat sanaartorneq allatinnaannortoq sularinnikkumalluni neqoroorsimasoq ilisimatinneqassooq.

Aningaasaqarnermi kingunerisinnaasat:

Ataatsimiisitsinermi aningaasartutaasinnaasut missingersuutit iluaniipput.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Avannaata Kommuniani Najukkami Ataatsimiititaliat Suleriusissat ulloq 27. september 2021-imeersoq

Suliamik isumaginnineq:

Ilulissani Najukkami Ataatsiititaliaq

Inassuteqaat:

Ilulissani Najukkami Ataatsimiititaliamut inassuteqaat.

Ilulissani Najukkami Ataatsimiititaliap sanaartornissap piaartumik aallartinnissa akuerissangaa.

Ilanngussat:

Bilag 006-01: Tusarniaanermut akisuutit.

Bilag 006-02: Sanaartornissamik neqoroort.

Aalajangiineq:

Inassuteqaat akuerineqarpoq.

Sag nr.	Sammisag	Bilag nr.	007
ILUNA 22-031	Arsaaffimmi isiginnaartarfiit toqqavilersornissaanik sanasup saaffiginissutaa.	Journal nr.	

Uteqqiineq:

Arsaaffimmi isiginnaartarfiit cementimik toqqavilersornissaat pisariatuuneralugu sanaartortoq allattoqarfimmut saaffiginippoq. Suliami uvani Najukkami Ataatsimiititaliap saaffiginissut oqaluuseralugu naliliiffigissuai aaliangiiffigalugulu.

Suliap saqqummiunnera:

Ilulissani Najukkami Ataatsimiititaliap ulloq 27. maj 2022 ataatsimiinnermini arsaaffimmi isiginnartarfinnik 600-inik issiaviusinnaasunik sananaartornissamat sanasup Knud Pilemand-ip neqoroorutaa akueralugu sanaartorneq piviusunngortippa. Sanasoo ulloq 6. september 2022 allattoqarfimmut saaffiginilluni ilisimatitsivoq isiginnaartarfiit isumannattuussappata ninngunerussappatalu inissiffissaat assallugu cementimik toqqavilersornissai pisariaqartoq. Taamaasiussangunilu isiginnaarluni issiaviit amerlassusaat 400-nut apparlugu sanaartornissamat akigitinneqartoq qaffanngikkaluarlugu suliaq naammassisinnaallugu ilisimatitsissutivaa. Tamatuma kingunerisaanik allattoqarfiup Knud Pilemand attaveqarfigalugu issiaviit isiginnaartarfiusut 600-it toqqaviliornissat qanoq annertutigisumik akigititaasumiit akisunerusanersooq paasiniaaffigivaa.

Iluarsiinissamat siunnersuut – sammisanut tunngatillugu nalilersuineq

Isiginnaartarfiit ajutoorsinnannermut sillimaniarneq isumannaatsoq anguneqassappat qajannaatsumik toqqavilersortariaqarput, qajannaatsumillu toqqaveqarunik aserfallakkiartornerat arrinerusumik pissalluni. Siuliani taakkartukkat tunngavigalugit assaasinnarluni cementimik toqqaviliorneq annertuumik isumannaallisaaneruvoq.

Ingerlariaqqinnissaq

Ataatsimiititaliap qanoq aaliangiinera apeqputaatillugu suliaq ingerleqqinneqassooq.

Kingunerisinnaasat:

Cementimik toqqaviliorneq isiginnaartut naatsorsuutigineqanngitsumik pillarsisinnaanerannik ingalassimaartitsisuusooq, issiavillu aserfallakkiartornerat arrinnerulersillugu.

Aningaasaqarnermi kingunerisinnaasat:

Assaaneq cementimillu toqqaviliorneq aningaasartutissanut missingersuutit iluaniippoq.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersooq
- Avannaata Kommuniani Najukkami Ataatsimiititaliat Suleriusissat ulloq 27. september 2021-imeersooq

Suliamik isumaginnineq:

Ilulissani Najukkami Ataatsimiititaliap

Inassuteqaat:

Ilulissani Najukkami Ataatsimiititaliamut inassuteqaat.

Allattoqarfiup Ilulissani Najukkami Ataatsimiititaliamut inassutigivaa arsaaffimmi isiginnaartarfiup issiaviisa cementimik toqqavilernissaat akuerissangaa.

Allattoqarfiup Ilulissani Najukkami Ataatsimiititaliamut inassutigivaa arsaaffimmi isiginnaartarfimmi issiaviit amerlassusaat allanngortinneqassanersut aaliangiiffigissagaa.

Ilannussat:

Bilag 007-01: Knud Pilemand-ip allagaa ulloq 6. september 2022-imeersoq.

Bilag 007-02: Knud Pilemand-ip neqoroorutaa ulloq 9. september 2022-imeersoq

Aaliangiineq:

Inassuteqaat akuerineqarpoq. Issiaviit 400-nut ikilissasut aaliangerneqarpoq

Sag nr.	Sammasaq	Bilag nr.	008
ILUNA 22-032	Niels Dorph-p Aqqusernata Sisorarfiullu akornani tummeqqiornissamut ikaartarfiliornissamullu neqoroort.	Journal nr.	

Uteqqiineq:

Niels Dorph-p Aqqusernata Sisorarfiullu akornani tummeqqiornissamut ikaartarfiliornissamillu suliarinnittussarsiusimeq naammassivoq, suliasarlul aallarteriannagassanngussalluni. Suliami uvani Najukkami Ataatsimiititaliap neqoroort naliliiffigissuai aaliangiiffigalugulu.

Suliap saqqummiunnera:

Ilulissani Najukkami Ataatsimiititaliap siusinnerusukkut ataatsimiinermini aaliangerpaa Niels Dorph-ip Aqqusernata Sisorarfiullu akornaani ikaartarfiliortoqassasoq tummeqqiortoqassasorlu. Allattoqarfiup Teknikkeqarfik suleqatigalugu suliarinnittussarsiorneq ingerlappaa, Ilulissani sanasut sisamat neqoororuteqaqqullugit qinnuigineqarput. Ataasinnarli neqorooruteqarpoq taasumalu akigitinniagaa naleqqussorinarluni, saaffigisat sinneri allanik ulaputeqarlutik neqorooruteqaqqanngillat. Neqorooruteqartup eqqaaviit arsakoofittallit illoqarfimmi sumiiffinni assigiinngitsuni ikkussuunnissai aamma neqoroortugivaa.

Iluarsiinissamut siunnersuut – sammisanut tunngatillugu nalilersuineq

Suliasap kinguarsarneqaqqinnani aallartinneqarnissaa siunertaralugu neqoroort akuerineqassasoq allattoqarfimit inassutigineqarpoq.

Ingerlariaqqinnissaq

Neqoroort akuerineqassappat neqorooruteqartoq allartisinnaanerani ilisimatinneqassooq.

Aningaasaqarnermi kingunerisinnaasat:

Sanaartornermut eqqaaviillu ikkussunnerinut aningaasartuutissat missingersuutit iluaniipput.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Avannaata Kommuniani Najukkami Ataatsimiititaliat Suleriusissat ulloq 27. september 2021-imeersoq

Suliamik isumaginnineq:

Ilulissani Najukkami Ataatsimiititaliaq

Inassuteqaat:

Ilulissani Najukkami Ataatsimiititaliamut inassuteqaat.

Allattoqarfiup Ilulissani Najukkami Ataatsimiititaliamut inassutigivaa neqoroorutigineqartoq akuerissangaa, sanaartornerlu aallarteqqullugu.

Ilanngussat:

Bilag 008-01: Sanaartorfissap inissimaffia
Bilag 008-02: Sularinninnissamut neqoroorut
Bilag 008-03: Eqqaavinnik ikkussuinissamut neqoroorut

Aalajangiineq:

Inassuteqaat akuerineqarpoq.

Sag nr.	Sammasaq	Bilag nr.	009
ILUNA 22-033	Meeqqat ineriartornerminni eqqarsaasertanerat pillugu saqqummiussaqaarnissamut aningaasaliisoqaarnissaanik qinnuteqaat.	Journal nr.	

Uteqqiineq:

Meeqqat ineriartornerminni eqqarsaasertanerat pillugu ilisimasaqartup saqqummiussaqaarnissaanut Peqqik Sunngiffik aningaasaliisoqaarnissaanut qinnuteqarpoq.

Suliami uvani Najukkami Ataatsimiititaliaq qinnuteqaat naliliiffigissuaa aaliangiiffigalugulu.

Suliap saqqummiunnera:

Immikkut ilisimasalik meqqat ineriartornerminni eqqarsaasertanerat pillugu saqqummiinissaminik neqqoroorummik Peqqik Sunngiffimmut tunniussaqaarsimavoq. Tamannalu tunngavigalugu Peqqik Sunngiffik Najukkami Ataatsimiititaliaq saqqumminissamut aningaasaliinissaanik qinnuteqarfivaa.

Neqorooruteqartoq ilaatigut allappoq ima:

Eqqarsaatit pillugit meeqqanut sammisaqartitsisarneq meeqqanut paasiuminartunngorlugu, suliqarfisinnangortillugu meeqqallu akunnerminni oqaloqatigiissuteqarfisinnangortillugu aqqissuussaasarpog. Taakkununga ilanngullugit misigissutsit eqqartorneqartarput. Misigissutsit assigiinngitsut eqqarsaatinit sunnersimaneqaraangata timitsinnut malunniussinnaasarneri, nuannerunik nuanniikkunilluunniit, naggataatigullu iliuseqartoqarsinnaasarnermut assigiinngitsutigut kinguneqarsinnaasarneri erseqqissarneqarsinnaasarput.

Pingaartittarpara aamma perorsaasutut akisussaasuusut, eqqarsaatit pillugit saqqummiivigerusuttarlugit. Taakuummata meeqqat eqqarsaataasa – pingaartumik nuanniilliorneranni – eqqarsaatinik pitsaasunik pitsaanerulersitsinissamut tunioraallutillu paasinneqqaartussat iliuseqartussallu. Taamaammallu meeqqap angerlarsimaffianiit atuarfeqarfimmullu attaveqatigiinnikkut aqutissiuinissamut ilaatigut oqaloqatigiilersinnaasarput akunnerminnilu iliuusissamik eqqarsalertarlutik. Tassami saqqummiininni paasinnilerlutik takusinnaangortaramikku meeqqat eqqarsaateqarnermikku oqaasinnguisarnerminni iliuseqarnerminnilu tusaaneqaarnissamut inissaqartinneqaarnissartik kissaatertik angunniarsarisinnaasaraat.

Iluarsiinissamut siunnersuut – sammisanut tunngatillugu nalilersuineq

Saqqumiunniagaq siusissumik pinaveersaartitsinermit sakkussanut ilaasutut isikkoqarpoq, taamaammallu aningaasaliiffiginissaa piukkunnaateqarluni.

Ingerlariaqqinnissaq

Qinnuteqaat akuerineqassappat Peqqik Sunngiffillu Najukkami Ataatsimiititaliaq saqqummiinissamut aningaasaliissalluni akuerisoq ilisimatinneqassooq. Saqqummiisussalli angalanissaanut ineqartinneqaarnissaanut nerisaqartinneqaarnissaanullu Najukkami Ataatsimiititaliaq aningaasaliinngitsoq ilanngullugu ilisimatitsissutigineqarluni

Aningaasaqarnermi kingunerisinnaasat:

Aningaasartuutissat missingersuutit iluaniipput.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Avannaata Kommuniani Najukkami Ataatsimiititaliat Suleriusissat ulloq 27. september 2021-imeersoq

Suliamik isumaginnineq:

Ilulissani Najukkami Ataatsimiititaliaq

Inassuteqaat:

Ilulissani Najukkami Ataatsimiititaliamut inassuteqaat.

Allattoqarfiup Ilulissani Najukkami Ataatsimiititaliamut inassutigivaa qinnuteqaat akuerissangaa.

Ilanngussat:

Bilag 009-01: Saqqummiussassap allaaserineqarnera
Bilag 009-02: Saqqummiussinissamut neqoroort

Aalajangiineq:

Inassuteqaat amerlanerussuteqartut akuerivaat. Tamat peqataanissaannik periarfissillugit.

Ataatsimiinneq naavoq nal.:

Atsiorfissaq:

Jens Peter Kleist Rosbach, Siulittaasoq

Jonas Fleischer, Siulittaasup tullia

Paarnannguaq Mathiassen, ilaasortaq

Brian Grønvold, ilaasortaq

Aqqalu Jerimiassen,
kommunalbestyrelsesimit toqqangaq
